

АКАФИСТ

ВЕЛИКОМУЧЕНИКУ
Георгию Победоносцу



АКАФИСТ

ВЕЛИКОМУЧЕНИКУ
Георгию Победоносцу



Болгар



Акафист святому великомученику Георгию Победоносцу

Кондак 1

**Возбранному воеводе и Победоносцу
Георгию составим похвалу, яко ходатаю
нашему и скорому помощнику: ты же,
святой великомучениче, яко имеяй дерз-
новение ко Господу, от всяких нас бед
свободи, да зовем ти:**

Радуйся, Георгие, великий Победоносче.

Икос 1

**Ангелов Творец и вся твари Содетель,
явивый ты Церкви Своей веры поборника,
и за веру непобедимаго страстотерпца,
внушает нам, за подвиги страданий твоих
восхваляти тя, святе Георгие, сице:**





Ра́дуйся, до конца́ Иису́са Сы́на Бо́-
жия возлюбíвый; ра́дуйся, за íмя Его́
с любóвию ду́шу свою́ положíвый.
Ра́дуйся, исповéднице, от Бога при-
званный; ра́дуйся, подви́жнице, Бо́-
жиею благодáтию просла́вленный.
Ра́дуйся, а́нгелов сожителю; ра́дуйся,
проро́ков равносто́ятелю.
Ра́дуйся, Геóргие, вели́кий Победоно́сче.

Кондак 2

Ви́дя гонéние нечестíвых на христиа́-
ны, не убоя́лся еси́ ко́зни их и мучíteль-
ства, богому́дре, но я́ко до́брый во́ин Хри-
сто́в, вся своя́ ни́щим разда́в, во́лею по-
те́кл еси́ на сове́т их непра́ведный, Хрис-
ту́, Вождю́ и Бо́гу своему́ поя: Аллилу́иа.

Икос 2

Разу́мно уразуме́в Еди́наго Бо́га, в
три́ех ипостáсах боголе́пно покланя́ема-





го, твёрдым умом исповедал еси Его на соборщи нечестивых, и тако обличил еси безумнаго царя безумное поклонение твари. Сего ради за твоё высокое любомудрие прими от нас, Георгие, усердныя похвалы:

Радуйся, Единого истиннаго Бога проповедниче; радуйся, Пресвятыя Троицы верный защитниче.


Радуйся, велию православнаго исповедания тайну неверным показавый; радуйся, идольскаго служения прелесть обличивый.

Радуйся, риторе Божественный; радуйся, витие, премудрости исполненный.

Радуйся, Георгие, великий Победоносче.

Кондак 3

Сила Божия, просвещающая всякаго человека, грядущаго в мир, и в темнице ты, страждущаго посетила есть, сми-





ренномудре Георгіе: понѣже ты вся житія сего тлѣнная, яко умѣты презрѣв, Единому Христу прилепился еси, да за имя Его добре воинствовав, сподобишися Тому со ангелы вѣчно воспевати:
Аллилуиа.

Икос 3

Имя ум и сердце Духом Святым озаренныя, ты по внушению Его поревновал еси подвизатися за имя Христово, до крове стоя бо мужественно в вере, обличил еси вознесенную нечестиваго соборища гордыню. Сего ради хвалим тя, всемудре Георгіе, сице:

Радуйся, щите, воздвигнутый на охранение благочестия; радуйся, мечу, подъятый на посечение нечестия.

Радуйся, столпе веры; радуйся, стено и утверждение Христовы Церкви.

Радуйся, верных удобрение; радуйся, неверных страх и посрамление.

Радуйся, Георгіе, великий Победоносче.





Кондак 4

Безу́мный мучи́тель, ды́шущий на тя
уби́йством, страстоте́рпче Гео́ргие, жа́ж-
дал бо кро́ве твоея́, я́ко пес а́лчный, по-
велева́я распя́ти на колесе́ тѣло твоѣ и
зле́йшим му́кам преда́ти: ты же, возмога́я
о Го́споде, с тве́рдым упова́нием к Бо́гу
взыва́л еси́: **Аллилу́иа.**

Икос 4

Слы́шавше от тебе́ Диоклити́ан и жре-
цы́ идо́льстии словеса́ премудро́сти, рас-
пыха́хуся на тя зло́бою, па́че же егда́ ре́кл
еси́: «О царю́ мучи́телю! По́что мя всу́е
истязу́еши, мне бо е́же жи́ти, Христос, и
е́же умре́ти приобрете́ние; трудно́ ти есть
про́тив рожна́ пра́ти». Сего́ ра́ди мы взы-
ва́ем ти, великоиме́ните Гео́ргие, си́це:

Ра́дуйся, за му́жественное испове́дание
ве́ры на колесе́ кро́вь свою́ проли́явый;
ра́дуйся, кро́вию своею́ торже́ство ве-





ры возвели́чивый.

Ра́дуйся, апо́столов соревни́телю; ра́дуйся, во́льным Христо́вым страсте́м подража́телю.

Ра́дуйся, побóрниче ве́ры непоколеби́мый; ра́дуйся, страстоте́рпче, адама́нта тверде́йший.

Ра́дуйся, Гео́ргие, вели́кий Победоно́сче.

Кондак 5

Боготе́чной звездé подо́бен был еси́ Гео́ргие, чуде́сным бо от а́нгела исцеле́нием и ви́димым от колеса́ отреше́нием научи́л еси́ неверных ве́ровати в Трóицу Единосúщную и Той кúпно с тобо́ю воспева́ти: **Аллилу́иа.**

Икос 5

Ви́деша наро́ди чудеса́ síлы Бо́жия, я́ве на тебе́ быва́емая, с крóтостию уче́ние Христо́во от тебе́ прия́ша и возопи́-





ща, глаголюще: «Воистину велик Бог христианский!». Сего ради и мы восхваляя тя, достославне Георгие, взываем сице:

Радуйся, светносным спасения словом тьму неверия разгнавый; радуйся, мученическим веры исповеданием неверных ко Христу обративый.

Радуйся, легионы воин земных в небесное воинство предводяй; радуйся, яко воин Христов, с небесными вои пребываяй.

Радуйся, ратоборцев славо; радуйся, пресветлаго мученическаго лика красото.

Радуйся, Георгие, великий Победоносче.

Кондак 6

Проповедником истины, духовносным апостолом поревновав, крестом миру распялся еси, страстотерпче: се бо яко Иона во чрево китово, в пещь неразтворенная





известіи стремглав ввержен был еси, да прославится тебе ради дивный во святых Господь, Ему же ты и в рове известнем, яко во храме славы, умно взывал еси:
Аллилуиа.

Икос 6

Воссиявый в тридневном Своем от гроба востании, Всесильный ада и смерти Победитель Иисус, спасе ты от адова истления, страстотерпче Георгие: по триех бо днях обретоша ты в извести жива, и в воздеянии рук поюща Бога: сего ради вельми пристрашни быша и ужасошася. Мы же радуящиеся, восписуем ти победную песнь:

Радуйся, позорным в известный ров низвержением вознесенную диавола гордыню низложивый; радуйся, дивным от Бога спасением зверство мучителя победивый.

Радуйся, яко незлобив сый, за твори-



вших ти напáсть моли́лся еси́, 'яко за
благотво́рцев; ра́дуйся, 'яко о обраще́-
нии их, 'якоже Па́вел о евре́ех, болéз-
новал еси́.

Ра́дуйся, му́жу желáний; ра́дуйся, со-
су́де избра́нный.

Ра́дуйся, Геóргие, вели́кий Победоно́сче.

Кондак 7

Хотя́й всячески улови́ти се́рдце твоё
к прéлести и́дол, нечестивый мучи́тель
умышля́ет прельсти́ти тя волшебными
чарова́нии: ты же, богоизбра́нне, с Да-
ви́дом восклицáя: «О Бо́же спасéние
моё и сла́ва моя́», ве́рно Тому́ пел еси́:
Аллилу́иа.

Икос 7

Но́вое показá зло лука́вый о́ный сата-
ны́ служи́тель Диоклитиáн, егда́ в безум-
ной своёй ко и́долом ре́вности, повелé на-



пойти ты, Геóргие, ядом: ты же испóлнен сый вѣры и упováнiя, аще и смѣртное испил, обáче без вреда пребыл еси́, богохвáльне, тѣмже и мы вопиѣм ти:

Рáдуйся, яко в упováнии на Бóга жива не посрамился еси́; рáдуйся, яко мучителя ни во что́же вменил еси́.

Рáдуйся, бесóв отгна́телю; рáдуйся, волше́бныя кóзни разруш́ителю.

Рáдуйся, яко тобою́ дивен Бог во святыхъ своихъ явля́ется; рáдуйся, яко тобою́ благочестно́ имя Христо́во прославля́ется.

Рáдуйся Геóргие, вели́кий Победоно́сче.

Кондак 8

Стра́нный и стра́шный советъ бысть от не́коего волхва́ нечестивому царю́, да повелитъ ти, в доказáтельство правости вѣры Христо́вой, слóвом воскресити мѣртваго: ты же, Геóргие, ничто́же сумня́ся, воспева́л еси́ Тому́, Иже несть Бог мѣртвыхъ, но Бог живыхъ: Аллилу́иа.





Икос 8

Всежеланный и Сладчайший Иисус, Егже ты всею душею и всем сердцем возлюбил еси, всеблаженне Георгие, слыша теплое веры твоея моление, вскоре повеле по слову твоему воскреснути мертвому, прославления ради имени Своего и верных утверждения, неверным же и ослепленным на удивление и богопознание. Сего ради по долгу вопиём ти:

Радуйся, яко Господь сил дивная на тебе явилъ есть; радуйся, яко тобою мертваго от гроба воскресилъ есть.

Радуйся, ослепленному волхвѹ умное веры прозрение даровавый; радуйся, многим, Христа ради пострадавшим, во Святаѹ Святыѹ путь показавый.

Радуйся, Рима удивление; радуйся, христианскаго рода возвышение.

Радуйся, Георгие, великий Победоносче.



Кондак 9

Вси а́нгели восхва́лиша Бо́га, дарова́вшаго ти таково́е му́жество, Гео́ргие, я́ко и в темни́чном заточе́нии не престава́л еси́ моли́твенно бо́дрствовати. Сего́ ра́ди, я́ко вели́кий тайнник Бо́жия благода́ти, удосто́ился еси́ ви́дети в ви́дении Го́спода, венце́м нетле́ния главú твою́ венча́юща, да и мы с тобо́ю вопи́ем: **Аллилу́иа.**

Икос 9

Ветя́я многовеща́нныя ри́торскими сво́ими язы́ки не возмо́гут изрещи́ тебе́ досто́йныя хвалы́, Гео́ргие, мно́гих ра́ди твои́х по́двигов и болéзней, ихже за Хри́ста́ и Це́рковь подъя́л еси́ во́лею. Сего́ ра́ди и мы, недоуме́юще восхваля́ти тя по досто́янию, воспева́ем си́це:

Ра́дуйся, во́льным за Хри́ста́ и Це́рковь страда́нием вéтхаго в себе́ Ада́ма распя́вый; ра́дуйся, за до́блестное



страдание венѣц правды от руки Господни приявый.

Радуйся, правило ревности благочестивыя; радуйся, образе нищеты духовныя.

Радуйся, яко не себе, но единому Христу добре угодил еси; радуйся, яко за Христа на многообразныя смерти готов был еси.

Радуйся, Георгие, великий Победоносче.

Кондак 10

Спасти хотя души во тьме идолослужения погибающих, боголюбче Георгие, ты, ревнуя, поревновал еси яко Илия по Бозе: вошед бо во храм идольский, силою Божиею разгнал еси бесы, сокрушил идолы, посрамил жрецы и, яко победитель, не с человеки, но со ангелы пел еси Богу: Аллилуиа.



Икос 10

Стены́ безчу́вственнее окаменённый
сёрдцем мучитель тво́й, Геóргие, не ура-
зумё́ Бо́га, я́ве тобо́ю чудо де́йствующа,
но до конца́ пребы́л есть, я́ко а́спид, за-
тыка́я у́ши свои́. Сего́ ра́ди повеле́ усе-
щи́ тя на позóрищи во главú, я́ко злоде́я:
ты же, болéзнуя о погíбели души́ его́, ра́-
достно прия́л еси́ кончи́ну, за ню́же мы тя
ублажа́ем любóвию си́це:

Ра́дуйся, ве́ру, наде́жду и лю́бы до
конца́ сохрани́вый; ра́дуйся, во успе́-
нии твоём мно́гия и вели́кия чудеса́ со-
твори́вый.

Ра́дуйся, ору́жием благоволе́ния Бо́-
жия венча́нный на земли́; ра́дуйся, сла́-
вою и велеле́пием украше́нный на не-
беси́.

Ра́дуйся, челове́че Бо́жий; ра́дуйся,
до́брый во́ине Христóв.

Ра́дуйся, Геóргие, вели́кий Победоно́сче.



Кондак 11

Пѣние Пресвятѣй Трѳице пѣче иныхъ
воздалъ еси, святѣй великомучениче
Георгии, не словомъ точно и умомъ, но
живымъ всего себя в жертву принесени-
емъ: подражая бо распятому за ны, не-
порочному Агнцу Христу, положилъ еси
душу свою за други своя волею. Темже
убо аще и недовольни есмь к похвалѣ-
нию таковыя твоея доблести, больше бо
сея любви никтоже имать, обаче благо-
дарни суще, поемъ Дивному во святыхъ:
Аллилуиа.

Икос 11

Светопріемный светильникъ истин-
наго Свѣта, сущимъ на земли являешися,
богоизбранне Георгии, просвещаети бо
сердца верныхъ, и к разуму Божествен-
ному вся наставляеши, поучая и нас весе-
ло взывати:



Ра́дуйся, я́ко в пресвѣтлых а́нгельскихъ черто́зехъ вселя́ешия; ра́дуйся, я́ко не в гада́нии, но лицѣмъ к лицу́, не-вечѣрняго Тро́ического Свѣта причаща́ешия.

Ра́дуйся, ни́щихъ пита́телю и оби́димыхъ за́щитниче; ра́дуйся, не́мощихъ врачу́ и царей побóрниче.

Ра́дуйся, правосла́внымъ во́иномъ во бра́нехъ побóрниче; ра́дуйся, о спасѣнии грѣшниковъ тѣплый хода́таю.

Ра́дуйся, Геóргие, вели́кий Победоно́сче.

Кондак 12

Благода́ть, да́нную ти от Бо́га, ве́дуще, па́мь твою́ пра́зднуемъ, вели́комученице Геóргие, и с усѣрднымъ моле́ниемъ к чудотворно́му о́бразу твоему́ притека́юще, тво́ею всесильною о Го́споде по́мощию, я́ко необори́мою стено́ю, огражда́емъ. Сего́ ра́ди восхваля́я тя, усѣрдно зове́мъ Бо́гу: Аллилу́иа.



Икос 12

Сла́вную кончи́ну твою́ пою́ще, ёюже
возвели́чился еси́, я́ко до́брый во́ин Хрис-
то́в, мо́лим тя, страстоте́рпче Гео́ргие: бу́-
ди нам во всем ко бла́гу помо́щниче, и ус-
лы́ши ны, усéрдно взыва́ющих ти:

Ра́дуйся, я́ко тобою́ Це́рковь ве́рных
просвеща́ется; ра́дуйся, я́ко и́мя твоё
и между́ неверными прославля́ется.

Ра́дуйся, дивная испове́дников сла́-
во; ра́дуйся, вы́сокая му́чеников по-
хвало́.

Ра́дуйся, телес на́ших целёбниче; ра́-
дуйся, о душа́х на́ших моли́твен-
ниче.

Ра́дуйся, Гео́ргие, вели́кий Победоно́сче.

Кондак 13

О всеблаже́нный и святы́й великому́-
чениче Гео́ргие, приими́ си́е на́ше хвале́б-
ное пёние и изба́ви нас от всякаго зла тво-



им тёплым к Бо́гу ходатайством, да с то-
бо́ю воспева́ем: Аллилу́иа.

(Этот кондак читается трижды).

Икос 1

Ангелов Творе́ц и всея́ тва́ри Соде́-
тель, яви́вый тя Це́ркви Своёй ве́ры по-
бо́рника, и за ве́ру непобеди́маго стра-
стоте́рпца, внуша́ет нам, за по́двиги
страда́ний твои́х восхваля́ти тя, свя́те
Геор́гие, си́це:

Ра́дуйся, до конца́ Иису́са Сы́на Бо́-
жия возлюб́ивый; ра́дуйся, за и́мя Его́
с любóвию ду́шу свою́ положи́вый.

Ра́дуйся, испове́днице, от Бо́га призва́-
нный; ра́дуйся, подви́жнице, Бо́жиею
благодáтию просла́вленный.

Ра́дуйся, а́нгелов сожителю; ра́дуйся,
проро́ков равносто́ятелю.

Ра́дуйся, Геор́гие, вели́кий Победоно́сче.



Кондак 1

**Возбранному воеводе и Победоносцу
Георгию составим похвалу, яко ходатаю
нашему и скорому помощнику: ты же,
святыи великомучениче, яко имеяи дер-
зновение ко Господу, от всяких нас бед
свободи, да зовем ти:
Радуйся, Георгие, великий Победоносче.**

Молитва

**О всехвальный, святыи великомуче-
ниче и чудотворче Георгие! Призри на
ны скорою твоею помощию и умоли Че-
ловеколюбца Бога, да не осудит нас,
грешных, по беззакониям нашим, но да
сотворит с нами по велицей Своей ми-
лости. Не презри моления нашего, но
испроси нам у Христа и Бога нашего ти-
хое и богоугодное житие, здравие же**



душе́вное и телёсное, земли́ плодородіе, и во всем изобі́лие, и да не во зло обраті́м благая́, да́руемая нам тобо́ю от Всеще́драго Бо́га, но во сла́ву свята́го імени Егó и в прославлéние крѣпкаго твоегó заступлénия, да пода́ст Он стране́ нашей и все́му боголюбівому во́инству ея́ и всем правосла́вным христиа́нам на сопоста́ты одолéние, и да укрепі́т держа́ву на́шу непременя́емым мі́ром и благословéнием. Изряднее же да ограді́т нас свята́х Ангел Своі́х ополчénием, во е́же избáвиться нам, по исхо́де на́шем из житія́ сегó, от ко́зней лука́ваго и тяжких возду́шных мытарств егó, и неосуждénным предста́ти Престо́лу Го́спода Сла́вы. Услы́ши ны, страсотéрпче Христóв Геóргие, и моли́ за ны непреста́нно Триипоста́снаго Влады́ку всех Бо́га, да благодáтию Егó и человеколю́бием, твоёю же по́мощию и заступлénием обря́щем мило́сть,



со а́нгелы и арха́нгелы и все́ми святы́-
ми одесну́ю правосúднаго Судии́ стáти,
и Того́ вы́ну сла́вити со Отце́м и Святы́м
Ду́хом, ны́не и прѣсно, и во ве́ки веко́в.

Ами́нь.





Тропарь, глас 4

Яко пленных свободитель,
и нищих защититель,
немоществующих врач,
царей поборниче, победоносче
великомучениче Георгие,
моли Христа Бога,
спастися душам нашим.